



OPĆINSKI NAČELNIK

MUNICIPALITY MAYOR

Broj: 05/2-11/3-2517/22
Velika Kladuša, 02.12.2022. godine

Na osnovu člana 70. stav 1. i člana 69. stav 1. i stav 2. tačka d) Zakona o javnim nabavkama BiH („Službeni glasnik BiH“, broj: 39/14), i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu javne nabavke specijalnog vozila sa korpom za podizanje za potrebe Općine Velika Kladuša, Općinski načelnik Općine Velika Kladuša, donio je slijedeću

ODLUKU
o poništenju postupka javne nabavke

1. **Poništava se postupak** javne nabavke pokrenut donošenjem Odluke o pokretanju postupka javne nabavke, broj: 05/2-11/3-2517/22 od 17.11.2022. godine, te Obaviještenjem, broj: 299-7-1-56-3-45/22, objavljenim na stranici Agencije za javne nabavke dana 18.11.2022. godine, tip postupka Konkurentski zahtjev za nabavku specijalnog vozila sa korpom za podizanje za potrebe Općine Velika Kladuša, Općinski načelnik Općine Velika Kladuša.
2. Odbacuje se ponuda ponuđača „TRI-M“ d.o.o Velika Kladuša jer ista ne ispunjava formalno-pravne i tehničke zahtjeve iz tenderske dokumentacije.
3. Ova Odluka stupa na snagu danom donošenja i objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14).

Obrazloženje

Odlukom Općinskog načelnika Općine Velika Kladuša, broj: 05/2-11/3-2517/22, dana 17.11.2022. godine, te Obaviještenjem, broj: 299-7-1-56-3-45/22, objavljenim na stranici Agencije za javne nabavke dana 18.11.2022. godine pokrenut je postupak javne nabavke, tip postupka Konkurentski zahtjev za nabavku specijalnog vozila sa korpom za podizanje za potrebe Općine Velika Kladuša, Općinski načelnik Općine Velika Kladuša.

Krajnji rok za dostavljanje ponuda bio je 01.12.2022. godine do 12:00 sati, a javno otvaranje ponuda izvršeno je 01.12.2022. godine u 12:15 sati, što je konstatovano Zapisnikom sa otvaranja ponuda od 01.12.2022. godine.

Komisija za javne nabavke u Izvještaju broj: 05/2-11/3-2517/22 od 21.11.2022. godine konstatovala je da je tendersku dokumentaciju preuzelo 16 (šesnaest) ponuđača, a da je nakon isteka krajnjeg roka za dostavljanje ponuda pristigla 1 (jedna) ponuda od strane ponuđača „TRI-M“ d.o.o Velika Kladuša, sa ponuđenom cijenom od 41.999,00 KM bez PDV-a.

Nakon izvršenog javnog otvaranja ponuda Komisija je pristupila analizi dokumentacije priložene uz ponudu u smislu provjere njene validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije ponude utvrđeno je da pristigla ponuda ponuđača „TRI-M“ d.o.o Velika Kladuša ne ispunjava formalno-pravne i tehničke zahtjeve Ugovornog organa iz razloga jer ista nije uvezana u skladu sa tačkom 4.1.6. tenderske dokumentacije niti je na istoj naznačeno da se radi o original ponudi kako je traženo tačkom 4.2.1. tenderske dokumentacije.

Komisija za javne nabavke u svom izvještaju dala je Općinskom načelniku Općine Velika Kladuša preporuku da odbaci ponudu ponuđača „TRI-M“ d.o.o Velika Kladuša, te donese odluku o poništenju predmetnog postupka javne nabavke

Članom 70. stav 1. Zakona o javnim nabavkama propisano je: Ugovorni organ donosi odluku o izboru najpovoljnijeg ponuđača ili odluku o poništenju postupka nabavke u roku koji je određen u tenderskoj dokumentaciji kao rok važenja ponude, a najkasnije u roku od sedam dana od isteka važenja ponude, odnosno u produženom periodu roka važenja ponuda, u skladu sa članom 60. stav (2) ovog zakona.

Članom 69. stav 1. Zakona o javnim nabavkama propisano je: Postupak javne nabavke može se okončati: a) zaključenjem ugovora o javnoj nabavci ili okvirnog sporazuma i b) poništenjem postupka javne nabavke.

Članom 69. stav 2. tačka d) propisano je: Ugovorni organ obavezan je poništiti postupak javne nabavke u slučaju da nijedna od primljenih ponuda nije prihvatljiva.

Budući da ponuda ponuđača „TRI-M“ d.o.o Velika Kladuša, kao jedina pristigla ponuda u ovom predmetu javne nabavke ne ispunjava formalno-pravne i tehničke tražene tenderskom dokumentacijom, te je neprihvatljiva, jer ista ne sadrži sve elemente tražene TD, Ugovorni organ donosi Odluku o poništenju postupka javne nabavke.

Cijeneći navedeno odlučeno je kao u dispozitivu Odluke.


UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku o poništenju postupka javne nabavke. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:

Tahirović Azra, dipl. pravnik

DOSTAVLJENO:

1. Učesniku u postupku,
2. Služba za upravu, društvene djelatnosti i zajedničke poslove (web stranica)
3. U spis,
4. A/a.



OPĆINSKI NAČELNIK
Fikret Abdić, dipl. ing.